



Naringsaak | Tarevot.

## FUGLANE SIN FLYPLASS

Kvasseimsbukta er fuglane sin flyplass. Her lander dei om hausten og våren på veg til eller frå overvintringsrområde på Kontinentet, Afrika eller andre stader på kloden.



Fuglane i Kvasseimsbukta er blant dei som flyg til og frå overvintringsrområde på Kontinentet, Afrika eller andre stader på kloden.

Myrsnipa er ein typisk fjordfugl.

I tarevollane finn fuglane mat og kvile før neste flygestrekk. Fleire andefuglar, sjøfuglar og einskilde vadadar lever heile vinteren i bukta og i sjøen utanfor.

Myrsnipa er blant våre mest vanlege vade-fuglar og er fast gjest i Kvasseimsbukta. Ho hekker både langs kysten og i høgfjellet over store delar av Noreg.

Myrsnipa er også hekketugl i Rogaland. Dei norske myrsnipene høyrer ikkje til dei fuglane som reiser lengst. Om vintrane oppheld dei seg rundt Nordsjøen og særleg på dei store mudderslettene i Vadehavet mellom Danmark, Tyskland og Nederland.

### Kvar synest best om sine barn

Det var ein gong ein skyttar som var ute i skogen; så mette han myrsnipa. "Kjære vene, skyt ikkje barna mine!" sa myrsnipa. "Kva er det for nokon som er barna dine då?" spurde skyttaren. "Dei vakreste barn som i skogen går, er mine!" svara snipa. "Eg får vel ikkje skyte dei då," sa skyttaren. Men då han kom tilbake, hadde han i handa eit heilt knippe myrsnipar som han hadde skote. "Åu, også! Korfor skaut du barna mine likevel då!" sa snipa. "Var det barna dine dette?" spurde skyttaren. "Eg skaut dei styggeste eg fann, eg." "Å ja!" svara snipa, "Veit du ikkje at kvar synest best om sine barn?"

Asbjørnsen og Moe

8

